



林下堂詩卷十七

雲山老人

程塾

秋水

時年七十又九



丁亥二

曉雨甚劇

雨吼夢初斷
魂飛睡未安
瓦溝傾急溜
花徑走狂瀾
短枕橫秋曉
薄帷生早寒
小童呼不起
漏滴已成團

雨過

高蟬嘶綠柳
亂蟻走枯藤
雨過添煩躁
雲烘釀鬱

木下堂詩 卷一
蒸有冰思作屑無劔可驅蠅安得龍皮扇清風枕
曲肱

進艇

進艇入蓮葉浮萍一線開輕鷗翻碧浪饑鳥啄青
苔小閣臨風敞垂楊近水栽不知經過處蛙鼓逼
人來

立秋日雨

時移物亦化歲月苦難留炎氣欲離夏雨聲已帶
秋西風摧草色異客亂鄉愁不分芭蕉葉颼颼總

未休

題文伯仁山水圖畫

奇峯峭石擬神功噴沫飛珠古澗通流水似聞風
送響高雲無路鳥行空負琴入樹雙童子策杖過
橋一老翁若許從遊應脫屣請君補我畫圖中

砌下決明

疎簾簾外曲廊斜秋雨秋風處士家眼暗已經過
二載迄今猶對決明花

立秋後

虛窓掩書坐庭院日幽哉秋色葉初染
決明花自開莫愁歸燕促但恐暮蟬哀
向晚巡籬落蟲聲唧唧來

池荷經風雨摧折

幾日不來池面寬豈知風雨肆凋殘
紅蕖碎蹴珊瑚瓣碧葉頻翻翡翠盤
暮色但愁烟景寂新涼已覺葛衣單
蕭然一水清無底那得縣魚挂釣竿

秋居病遣

宅近蕭湖畔門垂古樹陰疎慵生事拙
老病入秋

深斜日餘殘照斷蟬無完音願將青竹杖
扶我就前林

雷雨

溝渠通積水斷續短長流猛雨卒然歇
驚雷竟不休停餐時變色掩耳豈忘憂
安得收餘響回車碾素秋

向夕雨止

已卷天邊霧猶轟雨後雷斜陽窺古牖
濕壁嵌青苔語燕出簾去癡蠅繞案來
涼風能早至饒我好

懷開

拓窓

莫漫誇人有何煩問我無閒情歸淡薄老境付模糊
歷世休嫌拙安身祇用愚拓窗頻對鏡隨意撚
髭鬚

遣興

歌聲舞影散如烟回首風光思悄然老去有兒餘
白骨夢中無路問黃泉遭逢未必非前劫離合何
曾盡宿緣酬世漫勞三寸舌解紛還讓一囊錢

抱病

寄命青蒲簟朝朝臥小樓雲山雙目迴風雨一牀
秋不禁相如渴難勝楚客愁衰年時抱病身外復
何求

河亭風雨

憇此河亭上冥然坐不歸雨深荒草重風疾亂雲
飛白鳥天邊濕青鷗水面肥蕭蕭蘆葉岸冷落釣
魚磯

古屋

藤蔓垂檐古屋遮竹扉松院比僧家秋聲入樹催
殘葉落日過墻明夕鴉鬧裏笙歌歸白髮閒中詩
賦老生涯無言不用三緘口休向金人鬪齒牙

懷人

病中臨邛渴悲生宋玉秋雲山都入夢烟水不禁
愁客燕幾時去羈鴻何處留悠悠倚天末落日在
城頭

營生

桃源失路歎迷津一墮塵寰幾十春祇有黃金不

改色豈知白髮易欺人疎懷未厭形隨影懶性從
他心問身萬古青山長自在營生奚用苦勞神

訪鄰寺秋色惜為雨所損

不為看花因看葉扶筇直入支公鄰豈知一雨凋
顏色莫怪西風染未勻

惜別

惜別情無極臨歧手重攜如綿花下語似醉柳邊
迷南雁終歸北東流不向西片時停短棹山晚日
輪低

友人見過因啜茗論詩

一年見面能幾回相逢况復少杯酒命飲毋煩水
厄辭除此七椀更何有論詩怪我一家言我縱言
之非所取正聲微茫尚淫艷比比倡和十之九迄
今風雅幾人存請君屈指某某某

曉鐘

人事有時了人心何日休鐘聲聲不斷祇在五更
頭

清宵

清宵惆悵不勝情人倚層樓一雁橫萬戶千門秋
寂寂月明何處擣衣聲

陰晴

細雨不認真斷續隨風意陰晴固無常浮雲易開
閉颯然起涼飈俄而來炎氣老病畏經秋寒熱均
所忌解帶又添衣未必非多事

寄慨

名利爭之端與奪禍之始有客苦營心百慮從中
起亂絲頭緒多千年憂未已作計非不周天道苟

林下堂詩 卷十七 七
如是生命有時盡韶光一瞬耳一死任人為遑問
鳥與螳

愁絕

古壁多陰晦殘燈不肯明心虛恒少睡年老易傷
情獨夜芭蕉雨清秋蟋蟀聲斷連渾未厭愁絕一
書生

疲茶

滌硯焚香塵拂蠅蝸廬冷落舊相仍長年枯坐垂
雙鬢尺步閒行仗赤藤處世合應隨上下為官焉

得不才能樗材似我真無用疲茶毋煩客見矜

雛鶴

漫勞側眼盼青天此日丹砂頂未圓萬丈雲霄休
浪舉高飛應俟羽毛全

久不至且園

風景蕭疎歲月移扶童曳屨步來遲花從雨後紅
初減草到秋時綠漸衰無數亂葦爭送響一雙家
鶴慣追隨親人魚鳥皆朋友况有白雲相與期

秋漲泛舟

平隄新漲冷菰蒲小艇搖波繞岸紆紅蓼垂垂秋
水宅白鷗泛泛郭家湖魚蟹簞尋常見豆葉瓜
藤到處俱一片夕陽城闕外雲鐘烟寺望中孤

客夜至

楓林淅淅晚風吹倦枕頻支幔且垂無事閉門人
早睡有時沽酒客來遲月明不用施燈燭夜靜真
堪話別離十載重逢多感激可憐書劔老鬚眉

短歌

十指有長短人豈無愚賢強懦兩不下是非難并
全恩此而仇彼懼恐遭尤愆安得為鄉愿面面好
周旋所以君子人與世默無宣

家雞

野鴨苦奔逐家雞得自怡卑棲安飲啄顧盼守雄
雌知旦鳴於樹入暮棲於埒十年朝夕意風雨幾
曾移從我衡門下應共老茅茨惜哉好毛羽不肯
上天飛

獨夜聞笛因乘興散步

笛韻飄颺引客情披軒不厭往來行無人小院蒼

相語近水空亭月最明遠柝已經傳夜半疎林還
自弄秋聲露華的的侵殘鬢極目遙天萬里清

鳴蟲

鼓翼忙響難住食我園中葵飲我花間露鳴秋無
悲音叫日聲不怒高齋得所娛收拾閒中趣無那
西風吹飛過鄰家樹

月夜過韓侯釣臺

明月照高臺長淮留不歇臺是今日臺月猶漢時
月

中秋月

皎皎空天月閒雲半點無瑤臺開朗鏡鮫館泣明
珠不厭十分滿終嫌永夜孤高聲呼玉兔驚起後
棲鳥

秋日遣意

何一而非天地恩憑他雨覆與雲翻枯藤椅上惟
跌坐落葉聲中且閉門無事著書銷白日有時呼
飲近黃昏吟袍檢點君休笑醉墨多於舊酒痕

題壁上畫梅

林下堂言 卷十一 九
畫梅一似真梅樹可惜落花無覓處留題或恐暗
香生醉蝶酣蜂曾未悟擲筆化為五色雲新詩字
字欲飛去

感事

得失有定分是非無二理動息隨所施取舍操於
已舉之一羽毛棄之雙敝屣既與何煩奪既奪斯
已矣但恐天意存庸夫或未擬竊恐路傍兒未必
忍為此

秋月

錯疑霜滿地不道月光浮衆樹分搖影一蛩獨占
秋苦吟時倚檻徐步屢回頭攜手人何在孤懷那
自由

涵虛閣獨坐

面對一泓水閒調膝上絃簾垂菱芡雨門掩薜蘿
烟風葉隨高下雲鴻任斷連此間成獨坐身世復
何牽

嗜懶

萬端身外事一懶復何云空色歸於水閒心化作

林下堂詩 卷十七
雲鳳皇不易見燕雀豈為羣養拙欄簷下儵然遠
世紛

河堤

獨立河隄上悠悠水自流鷓聲齊逐日樹色各爭
秋來往幾曾倦舟車那暫休不如屠狗輩爛醉向
壚頭

秋野晚步

蘆花帶夕暉暮景欲浸衣地僻炊烟淡林疎鳥語
稀但看黃葉墜不見白雲歸指點前村路人家半

掩扉

苦因

苦因多夢寢難安况值西風濺雨寒羈客料應愁
夜永富家端不怨衾單鶩肥鶴瘦休相誚李白桃
紅各自看物我參差應分定人生何用說甘酸

農家苦雨

鳴雨恣飛灑颼颼且未休鳥因營食苦人為有田
憂刈獲無晴日辛勤迫暮秋一年生活計除此復
何求

湖上草堂

湖上草堂繫客情赤欄干外繞空清無端遠樹收
殘雨頃刻青天放晚晴獨雁下時秋水濶古樵歸
去暮烟平蕭條十里蘆花雪露出漁燈一點明

路逢樵者

路僻行踪杳樵聲遠近聞白雲隨岸斷秋色過橋
分徐步貪看雁回頭忽見君暮歸欣有伴歡笑不
離羣

自遣

一身痛癢苦拘囚兩目昏昏送白頭飲食無多防
過飽園亭雖小可消憂倦尋枕上古槐夢閒倚門
前老樹秋尺短寸長何足較是非應付水東流

遲起

曉色一窗睡起遲早年近日不同時老於風月全
無分病覺神仙未可期息慮漫勞閒着想忘憂何
用苦愁眉輕輿快馬知多少陋巷深居識我誰

契濶

歡場筵宴等閒捐痛飲狂歌非昔年一自麴生成

契濶而今不負酒家錢

湖上晚步

撥開人事放疎頑不離湖頭岸尾間黃葉幾時隨
綠水白雲先已占青山蠻僧把菊穿林去漁父收
竿負日還暫得小留新月上一弓引我步閒閒

謝客

謝客緣多病工詩敢自誇身非安固陋心實厭繁
華樂事年年減衰容日日加不逢勾漏令何處乞
丹砂

重陽登雨中樓

重陽何處可風雨最高樓短鬢鏡中雪疎枝籬下
秋吟詩慚寡和得酒復奚求不見陶彭澤當杯百

慮休

淵明九日詩
酒能祛百慮

老病

烏兔苦奔逐光陰電莫追無生元少事不死亦何
為老病多般累歡娛曾幾時微躬同蟻蠓空抱古
今悲

月出

林靜風初歇雲開雨漸過竹窗欣有月鄰舍喜無
鵝夜寂坐來久形單老去何終慙精力短倦眼幾
摩挲

有客攜酒樂招泛蕭湖值雨

湖平如掌碧如油桂槳蘭橈泛暮秋正好管絃陳
席面忽驚風雨起船頭飄零無數紅黃葉散亂一
羣青白鷗瞥眼不知人事異祇緣尋樂轉生憂

疎慵

此身着處便相安入地上天總一般夢裏何愁無

世界醉中元自有悲歡千秋事業歸華表萬古興
衰送兩丸學得疎慵端是福朝忘饑渴暮忘寒

雨夜不寐

慣習披衣起迢迢坐到明殘燈花自墮苦雨夜無
情是屋皆能漏何人不望晴綿綿少休歇遮斷遠
鐘聲

望晴

重陽以後多陰晦日日浮雲過眼頻既雨復晴晴
又雨不知鍊石有誰人

晚菊

簇簇叢中蕊疎疎籬下枝絕憐開得晚莫怪看來
遲逸艷若遺世孤英獨秀時憑他青女迫暮景好
支持

連夜雨

雪雪芭蕉葉蕭蕭楓樹林接連三夜雨滴碎五更
心窗破晨光動幃單曉色侵沉陰終固結欹枕閉
門深

送秋

節候卒然改衰榮若轉眸繁華歸冷落霜露結綢
繆紅葉已辭樹黃花欲送秋授衣因在念先整辟
寒裘

寒夜

爛爛星垂燄啾啾雁影長厲風少和氣淡月延冷
光一夕芙蓉死千家砧杵忙遠人歸未得吾亦念
殊方

雞鶴

雞鶴非同類於人何後先直將生活計好付倉浪

林下堂詩 卷十七
天飲酒既無取吟詩亦可捐不如閒送老散澹樂
吾年

大木

擁腫立天地居然忘斧柯萬花齊燦爛一木自婆
娑不免風霜厄終承雨露多無材遂生理且得慰
蹉跎

曲廊

宿鳥歸枝未幽人在曲廊竹陰分夜色松月漏疎
光弄響菴翻瓦驚寒犬吠霜物情生攪擾動靜兩

無妨

午窗

幾點瓶花媚眼前午窗移案坐爐烟酒難強進緣
無量詩但求工敢望傳不向草頭邀富貴何由海
上遇神仙且過今日又來日莫羨人間八百年

酣歌

老向何人寄死生終年獨處掩柴荆隨身衣帶忘
新舊一枕南華遠送迎舌上波濤憑泛濫心中恩
怨自分明酣歌未必非無意試聽王郎斫地聲

耳聾

耳從昨夜喧金鼓眼已三年半欲盲贏得龍鍾供
一笑風花難道兩忘情

遣事

昨日布衣今日裘莊周蝴蝶兩悠悠楚雞一旦高
聲價遼豕原來盡白頭屈鐵為鈎知不可拋珠彈
雀意何求潛名那復邀人賞長揖毋煩謁五侯

冬夜坐月

卅年不作折腰官禿盡狐裘擁歲闌清夜月明霜

氣重西風雁冷葉聲寒豈因獨坐慙無伴即恐孤
眠夢亦單庭院寥寥三籟寂一枝梅影上墻看

遣興

寧心息羣動耳目付聾盲寡合不求匹吟詩尚近
名無形焉有影觸響自成聲世若能忘我何由恩
怨生

飲茶

老容衰削病頻加渴以相如不廢茶借問此翁何
所事滌磁選炭送生涯

小至夜

今夕為何夕霜風吹林端
重衾壓累褥展轉心難
安念此不忍睡我煖他人寒

雲霄鶴

輝輝朱頂圓皎皎霜翎白
衆鳥羽毛殊浮世人眼
窄樊籠未可羈華軒焉可迫
朝飲玉池波暮度蒼梧月
高飛萬里空俯視千峯碧
雲霄未易攀獨展摩天翮

落木

林空無罌礙榮悴亦須臾
舊葉終難戀嚴霜能不
枯未隨樵客斧猶帶夕陽
烏髣髴迂筆相看當畫圖

掩卷

仲冬風色苦擁褐坐爐紅
凍雀窺虛幌寒花伴老
翁行藏休問卜詞賦不須
工掩卷忽長歎千秋彈
指中

夢登黃山蓮花峯

宿夕憶黃山峯峰競奇幻
我夢欲飛身飛上蓮花

辨

晝眠

午枕橫窗眠復眠幾莖禿髮欲成羶與其多病莫
如死縱餌黃精未必仙骨許封侯年已耄相去聲堪
食肉齒無權吾生早識身為累久向名山結道緣

客散就枕

清夜迢迢動客愁繞牀何物苦搜求連城白壁休
投鼠一卷離騷且枕頭剩酒任他童子醉殘棋不
用老夫收五更霜重衾嫌薄落盡燈花月上樓

連宵

連宵鼠輩縱橫甚敝篋空箱半欲穿擣枕不辭三
百遍懷憂奚止一千年蒙頭小子醒曾醒縮脚衰
翁眠未眠老瓦盆翻聲瀼瀼松醪直瀉如崩泉

有所思

有所思周八極江以東江以西江以南江以北
偕友看蠟梅

仰面攀枝入眼稠出墻花朵近高樓絕無艷冶爭
春色不許羣葩共一流佳客到來詩遣興芳尊倒

木一室言 卷十七 其
盡醉方休是誰鑄就黃金樹饒我年年此唱酬

贈未歸客

不作曳裾客翻為道路人風塵駐顏色詩酒喪精神
兩鬢刁騷雪百年散誕身天涯歸未得幾見月
華新

夜鶴

兩翼摩天旋碧空了無拘礙任西東神遊仙島三
山外影掠長江一棹中咽露好隨千里月凌霜獨
嘯五更風寒雞莫漫爭酬唱鶴在青雲爾在籠

過韓侯釣臺

胯下當年曾忍辱魚竿今日憶王孫興衰料爾由
天定去就亦應有命存亭長百錢非報德漂姬一
飯敢忘恩千秋悵望情何極蔓草寒烟引緒繁

薄暮過臺山寺

古剎黃金地臺山逼楚城殘陽歸殿角獨樹聚鴉
聲臥犬驚人起縣鐘不自鳴西風吹颯颯回首暮
愁生

柴門

柴門朝未啟白晝寂無譁冷雨鑄成雪輕冰散作
花檐深藏凍雀樹老坐寒鴉獨念征途客何如我
在家

追憶

世間無棄物肉上有縣瘤苦海因誰涉愁城那自
由兒知不是鳳父幸免為牛追憶成今昔閒雲逐
水流

寒夜吟

膈膊聲裂竹朔風吹重幃幃中人夜起躊躇將安

施燃爐勢莫敵陰寒苦相欺有如隋冰窖何法以
出之引睡魔見却就枕魂不離坐令燈火盡轉覺
雞聲遲衰老病侵陵獨寢固其宜詎意此奇冷幾
欲僵吾肢萬一凍或死寧不為人嗤

冬夜有懷

驪龍常不醒鰓魚恒少睡不睡庸何傷人非魚之
類奈何夜迢迢展轉心如沸張目俟天明寒星光
隨地俯仰攪離情千里萬里思衰病我難往路長
君莫至別來三十年雁鴻無一字

臘八

臘月八日天氣晴袈裟錫杖托鉢行搖鈴擊鼓不住聲百錢斗米何紛紛路傍有客曳雙屣自歎不如釋氏子我道讀書未誤人安貧樂道曾有幾

立春前五日

微雪不成片深冬已近春風鳴葉掃地雲破月窺人依舊墨池凍無時爐火親老夫貪暖活幸保歲寒身

季冬十三夜夢且園桃放

忽焉成美睡夢入且園來桃是何年種花今為我開雖然看爛漫轉覺費疑猜奚意窮冬日武陵春早回

富貴吟

世好尚營逐汲汲何時了利者名之裏名者利之表利就名亦成眼大天地小富貴君易致浮雲他自好

自遣

豈無人負我負我未為奇但有憑君取平生不縞

眉

已已

祇疑誤飲天厨酒一墮塵寰已已人歷盡艱辛成
白首敢云孤苦負青春士農工賈皆由命仙佛漁
樵各有因野水閒雲休悵惘語來多恐欲傷神

青羶

賓朋久不面魚鳥暫相親未即歸仙佛何煩媚鬼
神豈曰無達士大率多庸人但守青羶舊休嫌白
髮新

木瓜

不住摩挲香欲濺脂凝粉膩女兒拳佳名莫謂無
人識載在毛詩三百篇

齒患

十齒九動搖其一烏能支薄蝕迨欲盡傾欹那自
持痛癢莫告訴冷熱患兼之停餐恒自歎無復少
年時在昔本完固所恃衆力齊俄然成隻立安能
久戀茲斧鑿既不利五味何以滋將見落一空甘
心自舖糜惟餘三寸舌留以示山妻

殘年遣意

何由忘凍餒活我豈非天托命須除妄立身忌苟
全一毫無假借萬事且隨緣殘雪年將盡孤懷老
益堅詩歌終不廢庭戶儘蕭然

又雪

撥悶拋書起徐徐繞檻行力稀貪倚柱眼暗錯呼
名又見雪花亂生憎屐齒鳴匆匆迫人事歲月倍
堪驚

古詩

人人皆有心人心皆有事我事不關心我心不留
事憂煎徒自愚抑且損其智曷若收此心安放閒
天地

林下堂詩卷十七 畢

林下堂詩卷十八

八十老人 程鑿 秋水

戊子一

元旦

旭日散雞聲千門萬戶起
陽光普照臨大地皆歡
喜焚香祝 至人跪拜同妻子

病中

冷火難重熱枯枝今又鮮
死生雖是命痛楚但呼
天有鶴依床側無人慰眼前
關心惟藥物此外復

何牽

西風

酷冷竒寒夜及晨何緣一病着吾身非關氣候春
來異總是西風暗襲人

酬許生問病

相逢何意更相親一病幾成隔世人連夜西風吹
夢冷梅花帳裏不知春

絕句

眼前休認真過後總為塵一笑以酬世人生各有

因

元宵雨雪二首

元宵風景未躑躅士女如雲往復還滿目魚蝦遊
海市一時燈火擁鰲山

人事倥偬我獨閒每逢佳節酒杯慳零星雨雪昏
殘月一點孤燈靜掩關

春冷

爐溫朝擁膝春冷晝垂幃托命烏皮几潛形白板
扉故交零落盡音問往來稀世累如能割自然遠

是非

黃沙

黃沙漠漠飛四望疑無路
颼風且緩吹風定沙亦住

繩床

幾番成敗總堪傷
人世茫茫海上航
酒可消愁翻益病
詩能賈禍更添狂
半簾草色侵衣綠
一樹梅花隔幔香
暮景蕭疎君莫笑
風晨月夕一繩床

病後

不離青玉案
反鎖白雲關
坐卧木為偶
形骸石共頑
病餘精力短
身嬾杖藜慳
一任花開落
憑他蝶往還

遣興

榮利無干且嘯歌
舉家三口戀雲蘿
時年八十惟聾妻
瞽女相依才
非有用終流落
詩到能工定折磨
短日不過一飯足
衰年惟覺此身多
囊剩一錢真可笑
請君速去勿蹉跎

美人

美人一去永相望思之思之道路長有時入夢珠
翠香依稀玉佩聲鏗鏘未識美人來何方俄然不
見心內傷我欲置之情難忘不知雙淚濕衣裳山
遥遥水茫茫今生已矣空斷腸來生合作紫鴛鴦

晚晴散步

笋鞋行步軟桃杖過眉長二月春猶淺千絲柳未
黃馬蹄收晚景鴉背負殘陽遊目忽忘返歸途且
莫忙

病中贈楊鑑堂并示以詩

老友情何重袁江棹屢移急須一携手欲起力難
持卧病已兩月朝夕未解衣形容霜後葉性命風
中絲展轉枕席間早覺萬緣非富貴吾不取僧道
吾不為竟死斯已矣不死何所歸將詩寄吾子此
意當告誰

枕上

骨軟筋疲懶下床空空四壁一爐香巔毛禿盡僧
無異枕上雲山夢裡鄉

黃魚

春風不合過吾廬人老心灰久索居詎料近年人
事早山陽二月食黃魚

酬胡君春蘭二首

葉葉花花聚一盆春風吹送小蓬門霜痕露蹟知
多少留得山泥護舊根

芝蘭自合隨君子桃李從來伴俗人古案橫頭好
安置琴書筆硯共相親

早蚊

昨日過清明今日早蚊飛人不因爾瘦爾實籍人

肥一飽真無賴爾蚊將安歸

不出二首

風不出雨不出無風無雨亦不出枕席日為緣欲
起起不得縱有神仙非故人何由致我長生術
不勞左右顧屢顧中心悲所悲不為食所悲不為
衣嗟哉一巢燕長大各分飛

病起攬鏡

攬鏡心先畏相顧是耶非拭面照復照難得生光
輝

靜坐

囊中有佳句坐上無纖埃視聽忘耳目久靜心如
灰鳥自鳴花自開聲色於我何有哉

初晴扶病至且園

宿雨初收鳥弄聲雷車碾過放春晴桃紅李白隨
天意蝶去蜂來見物情帶病未能忘痛癢遠煩直
欲付聾盲扶持幸借兒童力高下何愁路不平

遣意

滿目雲烟變幻頻蜃樓縹緲信非真鏡中不改仍

今我夢裏能來盡故人一枕浮生空自惜百年回
首總傷神可知二老相依恃夫婦同庚到八旬

流水

十丈軟塵飛不到一灣流水坐來頻世無慧眼誰
知我一朶蓮花是後身

春居

日日家居但掩扉春風何用苦吹衣庭花亂放忘
規矩簷鳥爭喧無是非奴僕賤貧隨去就盤餐菲
薄遠甘肥假如客到惟携手縱使能留供給稀

悲黃雀

黃雀瘦烏鴉肥借我園中樹旦夕且相隨雀拾糝
糠烏盜肉烏飽雀恒饑雀思之雀從此辭饒烏獨
占枝回頭盼主人繞樹三匝飛

燕來

身居陋巷少停車不比王家與謝家燕子還來尋
故壘小堂依舊賦梅花茶非有癖緣消渴酒為無
人且漫賒自愛幽棲甘僻處春風一卷送生涯

花開花落

開日無多落來過早怨蜨愁蜂一齊散了

雨夜

展轉空床夢不成燈昏月暗兩無情鳴雷夜半傳
春雨萬戶千門枕上聲

雨中贈別

輕帆搖裔去遲遲浪楚春波軟軟移祇此一樽何
所佐落花風雨贈行詩

草園

零落日已久往來人亦稀雜草出荒徑臨流失釣

礪烟光還繞岸水色且浸衣一段榮枯事漁樵有
是非

春暮再過且園

又叩竹間戶重來屋裏園鶯花春不暖歲月去無
痕亂草上墻綠陰雲到眼昏庭臺都冷落信步任
乾坤

春歸

百花何用苦爭開轉眼春歸夏又催紫燕新鶯啼
不住蜨蜂還繞舊庭臺

初夏

日永迫初夏軒窗進午風時移異冷暖人老任窮
通林茂葉堆綠花飛瓣缺紅閒行隨草色引我過
橋東

孤吟

古屋陰寒霧氣中朝飛冷雨暮涼風楊花落盡無
人問竟日孤吟一老翁

風雨

風聲在樹顛雨聲在樹葉風雨一齊鳴憂來無斷

絕

聞松山南行詩以送之

冒雨駕扁舟輕帆逐水浮何曾來一別卒爾下揚州
自合逢青眼毋煩嘆白頭沐猴請冠帶君去且優游

聞蛙

家近平湖側門開即水涯遙汀飛白鷺淺浦聚青蛙
不得一心靜難辭兩耳譁衰年憑自遣倦枕任歌斜

老大

百年悲老大空惜齒牙存安陋固所願忘形亦自尊
身非人隸役詩是我兒孫一本歸於命惟憑天地恩

前生

前生未了因今世多魔障自非曠士懷身與名俱喪
嗟彼失學兒不自知其妄

夜雨

細雨不聞聲涼生夜氣清疎更聽處斷孤枕夢時

驚往事隨雲散閒心逐水平
光陰彈指過何利復何名

贈老漁

孤蓬無近遠到處水雲寬
天地雙蓬鬢江湖一釣竿
青蓑昨夜濕白鳥去時乾
山晚月初上移舟就淺灘

自省

省己思無愧於人貴有容為愚
先去詐離俗自非庸
簾櫺知安分琴書幸屢供
謾矜楚客鳳懶問葉

公龍好尚有如此吾將何所從

聞湖上作橋

一橋接南北兩岸步相通
金波忽破碎湖光分西東
經營貴自便結構勞人工
惟念凭欄客殘陽無盡紅

小樓夜

殘漏聲乾近曉收清寒祇在五更頭
雨來不用雷聲送自灑高梧自入樓

踈嬾

何者為吾有朝雲與暮霞閒談消白晝高枕送年
華得失暫時夢浮誇幾日花不才遂踈嬾寵辱兩
無加

老病

不時親藥物終日掩蓬門老病竟無底牢愁若有
源草深行徑沒鴉去夕陽存晚景自蕭索焚香遠
世喧

過野園

柳岸攀枝上維舟步當車徑荒行處斷樓迴望中

虛老樹有高鳥新池無舊魚昔人基址在此日竟
何如

自笑

潘岳閒居慵作賦仲長樂志且安神不言不笑形
如塑試問先生何許人

蜀葵

蜀葵開處短籬遮幾簇深紅帶落霞却笑一舟搖
過了回頭錯認石榴花

雨窓憶舊

追憶情何極今人非昔人感時惟有淚見日了無
因舊雨思同調孤懷寡四鄰驚心動魂魄回首重
傷神

題畫美人

美人來何許圖畫偶然開兩目難輕轉千呼不一
回無情終是恨有貌亦須才置此丹青上風流安
在哉

遣事

不復知天大胡為爾獨尊矜驕成故態咤叱無停

喧野雉終非鳳凡鱗豈是鯢世人憐且哂坐井說
乾坤

空齋

老去光陰短魯陽肯駐戈病連三月久愁壓一身
多不飲酒無債耽吟詩有魔空齋竟日靜好在少
經過

林下堂詩卷十八 畢

林下堂詩卷十九

八十老人 程鑿 秋水

戊子二

龍舟

老夫宅近珠湖聞湖上有人秉燭夜遊令
龍舟張燈為戲老人抱病無眠金鼓震蕩
者數夜感而為詩

一方止水鬪龍舟金鼓喧天夜未休笑問冤魂在
何處千秋遺事君知不

聞蟬

凌霄花發午簾清
密柳濃槐處處聲
白髮老人貪晝睡
厭聞君輩不平鳴

睡起

出墻高樹賸餘霞
睡起方知雨似麻
小院坐來人踪寂
巷頭爭唱茉莉花

暮蟬

紅雲赤燄沸如湯
占盡高枝震四方
祇恐西風漸凌虐
未知何處泣殘陽

且卧北窓

終年困頓如籠鶴
此際安閒即是仙
八十年来殊草草
人生休問子愚賢

忽忽

忽忽光陰八十春
幾曾沾帶一纖塵
世情物態元如此
各有前因豈美人

秋院

小坐秋風院
疎籬過日斜
詎知籬脚下
有葉浮丹砂
黃赤各成媚
老人望眼加
早知秋有色
不看春

時花桃李今安在對此一長嗟

得雨

雲峰四隅出秋雨忽然來涼氣且消受炎威安在哉自然及萬物匪獨起枯荻惟我心先慰竒書次第開

返棹

懷人直欲泛清江薄暮蕭然返舊艫傍水漁家高晒網隔林人面半開窻夕陽將下烟痕重秋風吹送榜聲雙却嫌顧盼來新月獨自開罇倒玉缸

秋蟬歎

前日出穢壤昨日登高枝今日已過時毋庸底死嘶秋風爾曾經秋霜尚未知旦暮將斃矣來歲何所期

徘徊

滿院宜秋色其如霜漸摧可惜好顏色不久委青苔雖然結子繁落地總成埃老人臨砌下不覺屢徘徊

秋日憶人

林下堂詩
卷十九
三
吾子尚未至未審雁先來舉頭見白雲低頭惟青
苔扶病步虛簷挾杖幾多回盈盈止一水朝夕費
疑猜永日望眼穿君今安在哉

林下堂詩卷十九

畢

林下堂詩卷二十

八十老人

程鑿

秋水

戊子三

八月十五夜

草深閒院蚤爭語冷露無聲月似銀惟有老人思
一睡誰家拜月淚痕新

蛩吟

蛩吟何太苦永夜幾曾休玉露堪消受清霜可自
由時侵孤客枕頻起故園愁家山有墳墓千里憶

松楸

雨夜是夕
寒露

此身何所着恍若卧虚舟縱少波濤險寧無風雨
愁秋窓難得白夜枕睡何由直到曉鷄動蕭颯未
全休

憶昔八十生日作

自昔在粉署爲郎身已老未幾賦歸歟家居恒自
好詎知人事垂所歷盡機巧閉戶三十載放帙恣
幽討迄今年八十卧多而坐少祇有結髮妻同庚

共昏曉藥餌相扶持顏色未枯槁萬事不關心無
營更無擾百歲曾幾何兒孫焉足道

安排

老病自安排無人侍左右飲藥吾自苦痛楚吾自
受山妻白髮縣終日來相守兒女盡爲鬼諸孫不
狼莠時運有如此實非吾之咎

九日

薄幃輕展雨初收卽欲登臨可自由短榻頻搢猶
覺倦衰年抱病合加裘黃花自是金爲萼白髮多

情雪滿頭且喜晴明烏角穩未須落帽始風流

九月十日

昨日重陽日東籬菊自黃持螯思畢卓送酒憶王
郎安得逢李白今日再舉觴吾人悲老大疾病苦
相將佳節每孤負中心自慨慷緬昔陶處士高風
未可忘

不知

不知前此爲何物已已降生落世埃假若鴻濛卽
有我我身應自萬古來

竟日

竟日成枯坐垂幃少客來空齋惟筆硯古榻任塵
埃愚智無非命浮誇豈是才久病身如寄藥裹不
時開

自笑

我除讀書外其他一事無展書翻益悶悶極復開
書書中見古人今人恐不如假或竟不死不過等
壁魚况我年八十頭禿難受梳眼暗而志昏誦讀
胡爲乎曷若高枕上一覺羲皇初天地爲何物今

古任區區

閒居二首

絕無車馬往來頻
晝掩雙扉遠市塵
就逸辭勞吾老矣
舍南舍北盡商人

竟夕歌筵起四鄰
哀絲激管亂天真
空幃自笑清於水
不羨金釵十二人

歷歷

歷歷當年事恍若
夢中身萬類無非
假一生惟有真素
絲寧受染白璧豈
容塵際此太平世
吾年將

百句

林下堂詩卷二十一 畢



